

պուհ ասաց ցերանելի երեցն խորեն եւ ցերանելի երեցն¹ Աբրահամ զհրաման թագաւորին: 7 Եւ լուեալ զայս պատուական քահանայիցն՝ ետուն պատասխանի որպէս ընդ մի բերան եւ ասեն. «Մեք ոչ միայն խեղանաց եւեթ պատրաստ ենք վասն անուանն Զրիստոսի, այլ եւ քերանաց եւ մահու: 8 Այլ վասն արեգական երկրպագութեանդ որ ասեք՝ մեք ընդ ձեր մոլորութեանդ ապշութիւն տրտմեալք խռովիմք, եւ խնդրեմք յԱստուծոյ զգալ ձեզ՝ ի թմրութենէ անգիտութեանդ այդորիկ, թող թէ մեզ նմանել ձեզ. եւ մի՛ լիցի՝ թողեալ զարարիչն՝ արարածոց երկիր պագանել»:

9 Եւ լուեալ զայսպիսի պատասխանիս աներկիւղ՝ իշխանացն ի բերանոյ³ երանելի երիցանցն՝ կատարեցին զհրամայեալսն ի թագաւորեն: 10 Եւ կտրեալ զերկոցունց զականջսն՝ ետուն տանել յԱսորեստան, ի գաւառն որ անուանեալ կոչի Շափուլ⁴, կալ անդ Նոցա ի հարկի եւ ամնել մշակութիւն արթունի: 11 Եւ լուեալ զայս հաւատացելոցն աշխարհին որք յԱսորեստանին էին, զերթս երանելեացն անդր՝ ընդ առաջ ելին Նոցա խնդութեամբ եւ պատուեցին զնոսա որպէս զնշխարս Նահատակելոցն սրբոց. որք եւ արժանի իսկ էին այնպիսի մեծարանաց. նա եւ զկարասի իւրաքանչիւր ուրուք զինչ եւ ուներ՝ բերեալ դնէին առ ոտս երանելեացն, ամուլ եւ մատակարարել ի պէտս հոգեւոր մասին ի փրկութիւն անձանց իւրեանց եւ ընտանեաց: 12 Եւ երանելի երիցանցն ընկալեալ յընծայից⁵ հաւատացելոցն ըստ արժանի մասն ինչ՝ Նոցին իսկ տային տանել յԱպար աշխարհ կապելոց Նախարարացն Յայոց. որք խնդութեամբ եւ բազում յաւժարութեամբ իւրաքանչիւր ոք աղաչէր զերանելիսն՝ ամնել արժանի այնպիսի հոգեւոր ճանապարհի: 13 Եր զի երանելի երեցն Աբրահամ, ամեալ զտուրս հարաւային կողմանցն Ասորեստանեացն, տարեալ մատակարարէր կապելոց Նահատակացն Յայոց ըստ իւրաքանչիւր պիտոյից. եւ արարեալ զայս այսպէս բազում անգամ կարգաւ⁶ քրիստոնէից աշխարհին, եւ ապա իսկ ինքն երանելի երեցն Աբրահամ բազում ամս, մինչեւ յարձակումն կապելոց Նախարարացն Յայոց աշխարհին, անվեհեր լինէր Նոցա թոշակատար ի հաւատացելոց աշխարհին տուողաց: 14 Եւ կեցեալ ամս երանելւոյ երիցուն⁷ խորենայ անդէն յԱսորեստանի վախճանիւր:

1 Ատ. այստեղ եւ յետոյ՝ երեց

2 ՏՏ. զգալ ձեր

3 Ձ. ի բերանւոյ

4 ՏՏ. Շաբուլ

5 Ձ. յընծայից

6 ՏՏ. կարգաւ կարգաւ

7 ՏՏ. երիցոյն